

OPIS ZADATKA

Izrada web stranice Centra za promociju civilnog društva

- 1. UVOD**
- 2. KONTEKST**
- 3. CILJEVI ZADATKA**
- 4. OPIS RADA**
- 5. ISPORUKA**
- 6. REFERENCE**
- 7. ROK ZA PODNOŠENJE PRIJEDLOGA**

1. UVOD

Centar za promociju civilnog društva (CPCD) osnovan je 1996. godine u Sarajevu i od tada je stekao reputaciju vodeće domaće nevladine organizacije posvećene jačanju civilnog društva u Bosni i Hercegovini (BiH) i u regiji Zapadnog Balkana. Tokom dva desetljeća provedbe aktivnosti, pozicionirao se kao organizacija koja zastupa interese građana/ki, promoviše lokalno vlasništvo, jača kapacitete i pruža podršku organizacijama civilnog društva (OCD), vladinim institucijama, medijima i privatnom sektoru kako bi doprinio razvoju demokratskog društva kroz snažna partnerstva i institucionalne mehanizme, na putu ka EU integracijama.

Misija jačanja civilnog društva u Bosni i Hercegovini i Zapadnom Balkanu ogleda se u podršci dobrim idejama, osnaživanju i koordinaciji rada organizacija civilnog društva i medija, te stvaranju uslova za demokratski dijalog i saradnju među civilnim, vladinim, poslovnim i akademskim sektorima u cilju izgradnje slobodnog i otvorenog društva u skladu sa potrebama građana/ki, kako bi zajednički doprinijeli viziji demokratskog društva u kojem svi članovi/ce slobodno i odgovorno ispunjavaju svoje uloge.

U okviru djelovanja, CPCD je prepoznatljiv i po svom SMART Centru za obrazovanje odraslih (Centar), osnovanom 2006. godine, koji pruža širok spektar profesionalnih usluga uključujući podršku organizacijama civilnog društva u jačanju kapaciteta, građanima, vlastima i biznisima.

Zahvaljujući postignutim rezultatima tokom višegodišnje realizacije aktivnosti i implementacije projekata, CPCD je danas pouzdan domaći partner gotovo svim međunarodnim donatorima posvećenim razvoju demokratije i civilnog društva u Bosni i Hercegovini i regionu. Tokom narednih pet godina CPCD planira unaprijediti svoje interne kapacitete i institucionalni razvoj kako bi postigao strateške ciljeve u četiri ključne programske oblasti:

- Omogućavanje okvira za civilno društvo: Jačanje zakonodavnih, finansijskih i operativnih okvira kako bi se ojačao kapacitet i održivost sektora civilnog društva, s fokusom na OCD, medije i akademske institucije u BiH i Zapadnom Balkanu.

- Uključenost građana u donošenje odluka: Uspostavljanje, jačanje i promocija mehanizama koji omogućavaju aktivnu participaciju civilnog društva u procesima donošenja odluka na nacionalnom, regionalnom i EU nivou.
- Aktivno učešće OCD u EU integracijama: Jačanje uloge organizacija civilnog društva iz BiH u procesu integracija u EU putem stvaranja mreža, jačanja kapaciteta, promocije prekogranične saradnje i uspostavljanje efikasnih mehanizama za učešće OCD.
- Organizacioni razvoj: Jačanje internih kapaciteta i institucionalnih okvira kako bi se podržala misija i strateški ciljevi CPCD-a, jačanje odnosa sa vladinim i poslovnim sektorima i razvoj građanskog aktivizma.

Iskustvo i multidisciplinarna stručnost CPCD-a, uključujući brojna partnerstva sa organizacijama i institucijama, pozicionira ga kao ključnog aktera u socijalnom i ekonomskom razvoju BiH.

2. KONTEKST

Uprkos izazovnim okolnostima i opadajućoj pozitivnoj percepciji sektora civilnog društva u Bosni i Hercegovini i regionu, CPCD je održao status kredibilnog i pouzdanog partnera za vlade, organizacije i građane.

Cilj izrade nove web stranice CPCD-a je jačanje brenda organizacije, pozicije CPCD kao vodeće organizacije civilnog društva u BiH, ali i pomoć organizaciji da iskomunicira rezultate i aktivnosti u skladu sa zacrtanim strateškim ciljevima u četiri ključne programske oblasti navedene u uvodnom dijelu.

3. CILJEVI ZADATKA/PREDMET NABAVKE

- razvoj i dizajn responzivne web stranice u skladu s vizuelnim identitetom i brand bookom CPCD-a
- razvoj CMS platforme (poželjno WordPress);
- struktura stranice uključuje: početnu stranicu, sekcije: o nama, projekti, vijesti, resurse i publikacije, kontakt formu, povezane s društvenim mrežama i sl.
- BHS i engleska verzija stranice;
- SEO optimizacija i osnovne mjere zaštite;
- migracija dijela postojećeg sadržaja sa www.civilnodrustvo.ba (publikacije i dio vijesti prema uputama CPCD-a)
- tehnička podrška tokom testne i garantne faze;
- obuka za korištenje CMS sistema za tim CPCD-a (dokument s uputstvima);

4. OPIS RADA

Uspješni ponuđač će biti angažovan za pripremu i razvoj web stranice CPCD-a uz sve prateće elemente i saradnju s komunikacijskim timom i menadžmentom CPCD-a.

Web stranica će u fokusu imati sljedeće:

- Pregled osnovnih strateških usmjerenja CPCD-a

- Najvažnije vijesti
- Opis aktivnih i najvažnijih proteklih projekata CPCD-a
- Podstranice SMART Centar i Civilka

5. OČEKIVANI REZULTAT ZA ISPORUKU

- Web stranica (ENG i BHS) – funkcionalna i optimizirana;
- Tehnička podrška tokom testne i garantne faze;
- Migracija dijela sadržaja;
- Obuka za korištenje sistema i unos sadržaja za tim CPCD-a.

6. USLOVI

- Pravna ili fizička lica iz Bosne i Hercegovine;
- Prethodno iskustvo u izradi web stranica (najmanje 3 godine);
- Prethodno iskustvo u radu s organizacijama civilnog društva u Bosni i Hercegovini kao klijentima smatrat će se prednošću.

7. ROK ZA IZRADU

Rok za izvršenje zadatka je **60 radnih dana** od datuma ugovorene obaveze.

8. ROK ZA PODNOŠENJE PRIJEDLOGA I POTREBNA DOKUMENTACIJA

Prijedloge za izradu CPCD web stranice koji obuhvataju: Pismo za iskazivanje interesa u skladu sa kriterijima zadatka, CV i portfolio, imena i kontakte tri reference (prethodni klijenti) za koje je obavljen sličan posao, sažeti opis okvirnog plana rada uključujući grubi nacrt web stranice, aktivnosti i vremenske okvire, te detaljnu finansijsku ponudu u Excelu možete dostaviti do **18.07.2025.**